


Antón Masa, da Asociación para a Defensa da Ria, relatanos a campaña pública desenvolvida pola APDR co obxectivo de exixir da Xunta a publicación dos resultados, e que, no caso de incumprimento do convénio asinado, proceda ao peche definitivo do complexo Ence-Elnosa. A APDR pudo comprobar xá que ENCE non cumple coa lexislación ambiental aplicável, nem siquera cos críticos contemplados no convénio que ela propia asinou. Ante esta situación, a Xunta achase no dilema de proceder rigurosamente no control da contaminación desta empresa ou, polo contrario, por de manifesto a sua omplididade no desastre ecolóxico causado por Ence-Elnosa.

TARXETAS POSTAIS PARA ESIXIR OS DADOS DA CONTAMINACIÓN DA CELULOSA DE LOURIZÁN A POLÉMICA ENCE-ELNOSA



A «ASOCIACIÓN POLA DEFENSA DA RIA» desenvolveu durante os últimos meses unha Campaña de denuncia do occultismo existente na COTOP verbo dos resultados das análises sobre a contaminación do Complexo ENCE-ELNOSA. É de facer notar que pasaran xa cáseque 11 meses desde que rematara o convenio asinado entre ENCE e COTOP, e que se tomaron máis de 2.500 muestras nos vertidos de ENCE, e Cuiña seguía sen facer públicos os resultados.

Na «APDR» sabemos que CELULOSAS incumpe o convenio, e así o confirman as declaracíons de Juan Fernández nas que pide «un voto de confianza para ENCE», o Informe Anual da Fiscalía de Pontevedra para o ano 1992, e a propia resistencia da Xunta a facer públicos os resultados das análises.

Non é desde logo unha novidade que a «APDR» solicite estos dados, pois non é a primeira volta que o facemos; o novidozo é cícalos o método empregado. Optou a

«APDR» por pedir-lle á povoación da bisbarra pontevedresa que fora ela quen fixera a petición ao través dunhas tarxetas postais remitidas ao Sr. Cuiña e nas que cada quen -a título persoal- solicitaba:

1º QUE SE FAGAN PÚBLICOS OS RESULTADOS DAS ANÁLISES SOBRE CONTAMINACIÓN DO COMPLEXO ENCE-ELNOSA.

2º QUE, SE NON ESTÁ A CUMPRIR A LEXISLACIÓN VIXENTE E O CONVENIO ASINADO, SE PECHE DEFINITIVAMENTE O COMPLEXO.

Conseguimos encher perto das 5.000 tarxetas en tan só 15 días de campaña e solicitarmos entrevista co Conselleiro da COTOP para facer-lle a correspondente entrega na Consellería. Non aceptou a entrevista o Sr. Cuiña -por máis que tiña prometido recibirnos logo das eleccións xerais- e fundamentou a sua negativa no feito de estar en funcións no cárrego.

Posteriormente, o dia 16 de Decembro, varios membros da Xunta Direitiva da

«APDR», dada a imposibilidade de se entrevistar co Sr. Cuiña, fixeron entrega na sé da COTOP en San Caetano das cáseque 5.000 tarxetas postais a D.Carlos Losada, asesor do Conselleiro, que se comprometeu a confirmar en 24 horas unha data para a definitiva entrevista co Sr.Cuiña. Considera a X.D. da APDR inaceptábel a actuación do Conselleiro, que segue a dilatar a entrega das análises dos vertidos da CELULOSA a pesares de ter-se filtrado na prensa a existéncia de resultados de duas firmas diferentes, a «Unión Temporal de Empresas-Omiso» e a galesa «Wallace Evans Limited», contratadas en ámbolos dous casos pola COTOP. Descoñecemos na «APDR» se esta negativa da COTOP ten algo que ver co feito de que para as citadas empresas -e sempre dacordo cos dados facilitados polos diversos medios de comunicación- CELULOSAS incumpe non só a meirande parte das esixéncias do convenio ENCE-COTOP, senón mesmo moitas das establecidas no momento da sua instalación en Lourizán hai cáseque 30 anos. ■